

Talabdan boshqa shaxs foydasiga voz kechish to'g'risida bitim

Shartnoma tuzilgan vaqt

Shartnoma raqami-son

Shartnoma tuzilgan joy

Dastlabki kreditorning F.I.Sh, keyingi o'rinlarda "Dastlabki kreditor" deb yuritiladi, bir tomondan, va Yangi kreditorning F.I.Sh, ikkinchi tomondan, keyingi o'rinlarda "Yangi kreditor" birgalikda "Tomonlar", yakka holda "Tomon" deb ataladi, ushbu bitimni (keyingi o'rinlarda — Bitim deb yuritiladi) quyidagicha tuzdilar:

BITIMNING PREDMETI

1.1. Talabdan boshqa shaxs foydasiga voz kechish kelishuviga asosan dastlabki kreditor asosiy majburiyat bo'yicha talab qilish huquqini topshirish, yangi kreditor esa bu huquqlarni qabul qilish majburiyatini oladi.

1.2. Fuqarolik kodeksining 355-moddasiga talablariga asosan, talabdan boshqa shaxs foydasiga voz kechish bitimi, agarda qonunchilik hujjatlaridan, bitimning mazmuni yoki mohiyatidan boshqacha hol anglashilmasa, haq evaziga tuzilgan bitim hisoblanadi.

1.3. Fuqarolik kodeksining 319-moddasi birinchi qismiga asosan kreditorning o'z talabidan boshqa shaxs foydasiga voz kechishiga, basharti u qonunchilik hujjatlariga yoki bitimga zid bo'lmasa, yo'l qo'yiladi.

1.4. Talabdan boshqa shaxs foydasiga voz kechilganda dastlabki kreditor asosiy majburiyat bo'yicha shaxs almashtirilishi munosabati bilan majburiyatdan chiqadi.

1.5. Agar qonunda yoki bitimda boshqacha tartib nazarda tutilgan bo'lmasa, dastlabki kreditorning huquqi yangi kreditorga huquq o'tish paytida mavjud bo'lgan hajmda va shartlar asosida o'tadi.

1.6. Mazkur bitimga asosan quyidagilar dastlabki kreditordan yangi kreditorga o'tkazilayotgan talablar hajmi hisoblanadi:

1.6.1. O'tkazilayotgan talablar hajmi

1.6.2. O'tkazilayotgan talablar hajmini belgilashda u qanday majburiyatdan kelib chiqqanligi

2. TARAFLARNING HUQUQ VA MAJBURIYATLARI

2.1. Dastlabki kreditorning huquq va majburiyatlari:

2.1.1. Yangi kreditor bilan muzokaralar olib orish;

2.1.2. Bitimga tegishli o'zgartirish va qo'shimchalar kiritish taklifi bilan yangi kreditorga murojaat qilish;

2.1.3. Mazkur bitimda belgilangan shartlar asosida talab qilish huquqini yangi kreditor foydasiga voz kechishi;

2.1.4. Qarzdor talablar yangi kreditorga o'tganligini isbotlovchi hujjatlar o'ziga taqdim etilmagunicha unga nisbatan majburiyatni bajarmaslikka haqli.

2.1.5. Talabdan boshqa shaxs foydasiga voz kechgan dastlabki kreditor yangi kreditor oldida unga o'tkazilgan talabning haqiqiy emasligi uchun javob beradi, biroq qarzdor tomonidan bu talabning bajarilmaganligi uchun javob bermaydi, dastlabki kreditor yangi kreditor oldida qarzdor uchun o'z zimmasiga kafolatni olgan hollar bundan mustasno;

2.1.6. Yangi kreditorga talab qilish huquqini tasdiqlovchi hujjatlarni berishi va talabni amalga oshirish uchun ahamiyatli bo'lgan ma'lumotlarni bildirishi

2.1.7. Dastlabki kreditorning boshqa huquq va majburiyatlari

2.2. Yangi kreditorning huquq va majburiyatlari:

2.2.1. Dastlabki kreditor bilan muzokaralar olib orish;

2.2.2. Bitimga tegishli o'zgartirish va qo'shimchalar kiritish taklifi bilan Dastlabki kreditorga murojaat qilish;

2.2.3. Qarzdor majburiyat bo'yicha huquqlar unga o'tganligi haqida ogohlantirish olgan paytida dastlabki kreditorga qarshi e'tirozlarini yangi kreditorning talabiga qarshi qo'yishga haqli

2.2.4. Talab qilish huquqi o'tgandan so'ng qarzdorni bu haqda yozma ravishda xabardor qilishi shart. Aks holda u bunday xabar bermaslik tufayli kelib chiqqan o'zi uchun noqulay oqibatlar xavfini o'z zimmasiga oladi.

2.2.5. Yangi kreditorning boshqa huquq va majburiyatlari.

3. BOSHQA SHARTLAR

3.1. Fuqarolik kodeksining 364-moddasiga asosan agar talabdan boshqa shaxs foydasiga voz kechish bitimida voz kechilayotgan huquqni keltirib chiqaruvchi majburiyat aniq ko'rsatilmagan bo'lsa, talabdan boshqa shaxs foydasiga voz kechish bitimi tuzilmagan deb hisoblanishi lozim.

3.2. Agar talabdan boshqa shaxs foydasiga voz kechish bitimi o'z mohiyatiga ko'ra talab qilish huquqini o'tkazish bo'lmay, balki bunda taraflarning xohish-irodasi aslida haq evaziga xizmat ko'rsatishga qaratilgan bo'lsa, bunday bitim FKning 124-moddasi ikkinchi qismiga binoan boshqa bitimni niqoblash maqsadida tuzilgan hisoblanadi (topshiriq bitimi yoki haq evaziga xizmat ko'rsatish bitimsi) va sud taraflar aslida nazarda tutgan bitimga doir qoidalarini qo'llaydi.

3.3. Agar asosiy bitim sud tomonidan tuzilmagan (yoki haqiqiy emas) deb topilsa, asosiy bitimga asoslangan talabdan boshqa shaxs foydasiga voz kechish ham haqiqiy hisoblanmaydi.

3.4. Kreditorning huquqlari boshqa shaxsga o'tganligi haqida qarzdorning xabardor qilinmaganligi yoki o'z talabidan boshqa shaxs foydasiga voz kechgan kreditor talab qilish huquqini tasdiqlovchi hujjatlarni unga bermaganligi uning huquqlarini boshqa shaxsga haqiqatan o'tkazilganligiga ta'sir qilmaydi va o'z talabidan boshqa shaxs foydasiga voz kechish bitimini tuzilmaganligiga (haqiqiy emasligiga) olib kelmaydi.

3.5. Dastlabki kreditoridan yangi kreditorga huquqlarning o'tkazilishi qarzdorni bitim tuzilganligi to'g'risida xabardor qilish payti bilan bog'liq emas. Qarzdorni xabardor qilish huquqlar boshqa shaxsga o'tkazilganligiga binoan amalga oshirilib, bu majburiyat bo'yicha talab qilish huquqini o'tkazishning zarur sharti sifatida qaralmaydi.

3.6. Oddiy yozma yoki notarial shaklda tuzilgan bitimga asoslangan talabdan boshqa shaxs foydasiga voz kechish faqat o'sha shaklda (oddiy yozma yoki notarial) amalga oshiriladi.

3.7. Agar asosiy bitim davlat ro'yxatidan o'tkazilishi talab qilinadigan bitim bo'lsa, talabdan boshqa shaxs foydasiga voz kechish bitimi ham asosiy bitim bo'yicha belgilab qo'yilgan tartibda ro'yxatdan o'tkazilishi shart.

3.8. Talabdan boshqa shaxs foydasiga voz kechishni taqiqlash va har qanday cheklashlar yoxud talabdan boshqa shaxs foydasiga voz kechishning qo'shimcha shartlari taraflarning kelishuvlariga binoan bitimda nazarda tutilishi mumkin.

4. NIZOLARNI HAL QILISH TARTIBI

4.1. Taraflar o'rtasida mazkur bitim bo'yicha yoki unda belgilangan majburiyatlarni bajarish vaqtida yuzaga keladigan barcha nizolar yoki kelishmovchiliklar tomonlarning o'zaro muzokaralar olib borishi yo'li bilan hal qilinadi.

4.2. Agar kelishmovchiliklarni muzokara yo'li bilan hal qilib bo'lmasa, ular qonun hujjatlarida belgilangan tartibda sud tartibida ko'riladi.

5. BITIMGA O'ZGARTIRISH VA QO'SHIMCHALAR KIRITISH TARTIBI

5.1. Bitim shartlariga o'zgartirish kiritish, shuningdek, bitimni bekor qilish qonun hujjatlariga muvofiq amalga oshiriladi. Bitim shartlariga kiritilgan qo'shimcha va o'zgartirishlar uning ajralmas qismi hisoblanadi, ular albatta, inobatga olinishi zarur.

5.2. Bitimni bir taraflama rad etish, uning shartlariga o'zgartirish kiritishga yo'l qo'yilmaydi, amaldagi qonunchilik hujjatlariga o'zgartirish va qo'shimchalar kiritilgan, shuningdek, qonunchilik hujjatlarida ko'zda tutilgan hollar bundan mustasno.

6. TARAFLARNING REKVIZITLARI VA IMZOLARI

Dastlabki kreditor:

Manzil: Dastlabki kreditoring manzili

Pasport seriya va raqam: Pasport seriyasi va raqami

Berilgan sana: Pasport berilgan sana

Pasport kim tomonidan berilganligi IIB tomonidan berilgan

STIR: Dastlabki kreditorning STIR raqami

Dastlabki kreditor:

Dastlabki kreditorning F.I.Sh

(imzo)

M.O'.

Yangi kreditor:

Manzil: Yangi kreditoring manzili

Pasport seriya va raqam: Pasport seriyasi va raqami

Berilgan sana: Pasport berilgan sana

Pasport kim tomonidan berilganligi IIB tomonidan berilgan

STIR: Yangi kreditorning STIR raqami

Yangi kreditor: Yangi

kreditorning F.I.Sh

(imzo)

M.O'.